

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



সংবাদ বিজ্ঞপ্তি

বাংলাদেশে নারীর প্রতি সহিংসতা নিরসনে বাংলাদেশ সরকার ও বেসরকারি সংস্থাগুলোর সঙ্গে যুক্তরাষ্ট্র সরকারের অংশীদারিত্ব

ঢাকা, ২৭শে নভেম্বর -- আজ, ২৭শে নভেম্বর, যুক্তরাষ্ট্র সরকার এর আন্তর্জাতিক উন্নয়ন সংস্থা 'ইউএসএআইডি' এবং প্রকল্প বাস্তবায়ন অংশীদার 'প্ল্যান বাংলাদেশ' নারীর প্রতি সহিংসতা নিরসন আন্তর্জাতিক দিবস উপলক্ষ্যে রাজধানীতে বাংলাদেশ জাতীয় মহিলা আইনজীবী সংস্থা (বিএনডাবিউএলএ)-র সহযোগিতায় একটি অনুষ্ঠানের আয়োজন করে। নারী ও শিশু বিষয়ক সচিব তারিকুল ইসলাম ও 'ইউএসএআইডি'র গণতন্ত্র ও সুশাসন বিষয়ক দফতরের পরিচালক অ্যালেক্সাস বাটলার অনুষ্ঠানে উপস্থিত ছিলেন। অনুষ্ঠানটিতে নারীর প্রতি সহিংসতা বিশেষত পারিবারিক সহিংসতার বিরুদ্ধে সোচ্চার হওয়ার জন্য পরিবেশ তৈরির পক্ষে সমর্থন জানানো হয়। 'ইউএসএআইডি'র মানবাধিকার রক্ষা কর্মসূচির আওতায় গণসচেতনতা ও এ্যাডভোকেসির অংশ হিসেবে অনুষ্ঠানে নারীর প্রতি সহিংসতা নিরসনে পরিবারের ভূমিকা বিষয়ক বিতর্ক, পারিবারিক সহিংসতার বাস্তবতাভিত্তিক মঞ্চ-নাটক, এবং বাংলাদেশে পারিবারিক সহিংসতা পরিস্থিতি ও পারিবারিক সহিংসতা আইনের অগ্রগতি নিয়ে আলোচনা করা হয়।

এ বছরের মূল ধারণাটি ছিলো 'ফ্রম পিস্ ইন দ্যা হোম টু পিস্ ইন দ্যা ওয়ার্ল্ড: লেট্‌স চ্যালেঞ্জ মিলিটারিজম এন্ড য়েভ ভায়োলেন্স এগেগেট ওমেন' বা 'ঘরের শান্তি থেকে বিশ্বময় শান্তি: সামরিকতন্ত্রকে চ্যালেঞ্জ কর এবং নারীর প্রতি সহিংসতার সমাপ্তি ঘটাও'। পরিবারে "মিলিটারিজম" শব্দের অর্থ ভীতির সংস্কৃতি সৃষ্টি এবং পরিবারের সদস্যদের, বিশেষত নারী সদস্যদের উপর সহিংসতাকে সমর্থন। অনেক পরিবারেই মিলিটারিজমের সংস্কৃতি একটি অকাট্য বাস্তবতা আর মানবাধিকার কর্মীগণ, সরকার ও বেসরকারি সংস্থাগুলো এই মূল উপড়ে ফেলার স্বপ্ন দেখে এবং এ লক্ষ্যে প্রচেষ্টা অব্যাহত রেখেছে।

এই অনুষ্ঠানে ইউএসএআইডি 'মানবাধিকার রক্ষা' বা 'প্রোটেক্টিং হিউম্যান রাইট্‌স' (পিএইচআর) কর্মসূচি বাস্তবায়নের মাধ্যমে নারীর প্রতি সহিংসতা নিরসনে যুক্তরাষ্ট্র সরকারের প্রতিশ্রুতির প্রতিফলন ঘটিয়েছে। পাঁচ বছরব্যাপী এক কোটি ২৭ লক্ষ ডলার মূল্যমান কর্মসূচির অংশ হিসেবে ইউএসএআইডি বাংলাদেশ, বাংলাদেশ

সরকার, বেসরকারি সংস্থা ও অন্যান্য সুশীল সমাজ প্রতিষ্ঠানগুলোর সঙ্গে নারীর প্রতি সহিংসতা নিরসনে এ্যাডভোকেসির যথার্থতা, সামর্থ্য অর্জন, ন্যায়বিচারের সুযোগ, ভুক্তভোগীদের সেবা এবং গণসচেতনতা ও শিক্ষামূলক প্রচারণা নিয়ে কাজ করছে।

নারীর প্রতি সহিংসতা নিরসন আন্তর্জাতিক দিবস উপলক্ষ্যে ১৬ দিনব্যাপী প্রচারণামূলক অনুষ্ঠান ২৫শে নভেম্বর শুরু হয়ে ১০ই ডিসেম্বর আন্তর্জাতিক মানবাধিকার দিবসে সম্পন্ন হবে।

১৯৭১ সাল থেকে এ পর্যন্ত যুক্তরাষ্ট্র সরকার 'ইউএসএআইডি'র মাধ্যমে বাংলাদেশকে ৫শ' ৮০ কোটি ডলারেরও বেশি উন্নয়ন সহায়তা প্রদান করেছে। ১৯৬১ সালে প্রেসিডেন্ট জন এফ. কেনেডি কর্তৃক প্রতিষ্ঠিত 'ইউএসএআইডি' এ বছর নভেম্বর, ২০১১ সালে সংস্থাটির ৫০তম বার্ষিকীতে পদার্পন করেছে।

=====

জিআর/ ২০১১

দ্রষ্টব্য: এই সংবাদ বিজ্ঞপ্তির ইংরেজি ভাষ্য 'আমেরিকান সেন্টার'-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে 'আমেরিকান সেন্টার'-এর প্রেস সেকশনে (টেলিফোন: ৮৮৫৫৫০০, ফ্যাক্স: ৯৮৮৫৬৮৮; ই-মেইল: DhakaPA@state.gov এবং ওয়েবসাইট: dhaka.usembassy.gov যোগাযোগ করুন।